

Policija u Sarajevu našla drogu, oružje i veliku količinu novca, uhapšena žena

Iz MUP-a KS navode da je Z. M. uhapšena zbog osnova sumnje da je počinila krivično djelo neovlaštena proizvodnja i stavljanje u promet opojnih droga

Redakcija - Prije 17 sati
Posljednje ažuriranje: 04.09.2026 20:07



Akcija "Gorica 2"

Policijski službenici Odjeljenja za borbu protiv zloupotrebe opojnih droga Uprave policije MUP-a Kantona Sarajevo realizovali su akciju kodnog naziva „Gorica 2“, usmjerenu na suzbijanje i dokumentovanje krivičnih djela povezanih s neovlaštenim prometom opojnim drogama.

Akcija je provedena pod nadzorom tužioca Kantonalnog tužilaštva Kantona Sarajevo.

Pretresi na području općine Centar

Tokom pretresa izvršenih na području općine Centar policija je pronašla određenu količinu kokaina i marihuane, okvir za pištolj s pripadajućom municijom, određenu količinu gotovog novca u konvertibilnim markama, digitalne vage i druge predmete koji mogu biti od značaja za istragu.

Slobode je lišena Z. M., rođena 1983. godine u Sarajevu.

Osumnjičena za neovlaštenu proizvodnju i promet droge

Iz MUP-a KS navode da je Z. M. uhapšena zbog osnova sumnje da je počinila krivično djelo neovlaštena proizvodnja i stavljanje u promet opojnih droga, kao i krivično djelo iz člana 75. Zakona o nabavljanju, držanju i nošenju oružja i municije Kantona Sarajevo.

Osumnjičena se nalazi na kriminalističkoj obradi u Upravi policije MUP-a Kantona Sarajevo.